

آبونه اولق ایستینلر دائره عدلیه ده
اداره مخصوصه سنه مراجعت
ایتملدر
اعلاناتک بهرندن بر مجیدیه اخذ
ایدیلور

نسخه سی ۴۰ پاره در

تجدیدیه

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه یه متعلقدر

توجیهات

اشقودره ولایتی استیناف محکمه سی جزا دائره سی
رئیس عزتلو عبدالفتاح افندی به ترفیعاً رتبه ثانیه
صنف ثانیسی توجیه بیورلشددر.

تبلیغات

محکومه بر دینک استیفاسی ایچون دائره اجراجیه
موقع مزایده یه قونیلان ایکی قطعه املاک ایکنجی
مزایده سی مدتده اعلامه مربوط اله جفتدن طولایی
دیگر داین طرفندن حجز اولنمسنی متعاقب مدیونک
برنجی حاجزه اولان دینی تماماً تسویه و ایضاسی
ویا خود املاک مذکورده دن برینک بدل مزایده سنک
بودینه کفایتی حالده ایکنجی حاجزک الاجنی ایچونده
اولکی مزایده نک معتبر طوئیه لر رق دیگر املاک
احاله قطعیه سنک اجراسیله اکل معامله و یا خود تکرار
مزایده می اولنقی لازم کله جکنک تعیینی افاده سنه دائر
قونییه ولایتی استیناف محکمه سی مدعی عمومیلکنندن
وارد اولان تحریرات اوزرینه انجمن عدلیه دن تنظیم و
اعطا قلنان مذکرده: حجز معامله سنک داینه برحق امتیاز
بخش ایدمه یه جکی اصول محاکمات حقوقیه قانوننک
ایکی یوز طقسان بشنجی و متعدد داینلری اولان
مدیونک فروخت ایدیلان اشیا و املاکی ائماننک
غرامه توزیمی لزومی دخی اجرا قانوننک التمش
یدنجی ماده لری احکامنندن اولدینی حالده موقع
مزایده یه قونیلان املاکدن برپارچه سنک مجموع بدانی
برنجی حاجزک مطلوبه حصر و تخصیص ایله بوندن
دیگر الاجقلوبه حصه غرامه تفریق ایدلماسی یولسز
اوله رق بناء علیه بویولده تصویر معامله یه مساع
قانونی کوریه مامش وشو حاله نظراً حاصل اولان
تردد ایشک احکام قانونیه یه توفیقیه برطرف اوله جفی
بدیهی و مدیون جانبندن دائره اجرایه وقوعبولان
تسلیماتک دخی سالف الذکر ایکی یوز طقسان بشنجی

ماده منظوقجه یکدیگره قارشو حق رجحان و امتیازی
حائز اولیان هر ایکی داینک مطلوبانه کذلک غرامه
توزیعیه اوست طری ایچون مزایده یه دوام اولنقی
طبیعی بولنش و حاجز اولک آله جفنی طوغری بدن
طوغری یه مدیوندن استیفاسی حالده اتخاذ و اجراسی
لازم کلان معامله ده اولجه فروختی طلب اولنان
اموال غیر منقوله نک بالزایده قیمت حاضره سی تعین
ایدرك اصول مزایده نک وضع و تأسیسنندن مقصود
اولان شوجیه استکمال ایدلمش اولسنه کوره تکریر
معامله یه محل اولیوب مزایده نک بولنبدینی نقطه دن
اعتباراً بالا کال مشتریمی عهده سنه حاله قطعیه سنک
اجراسندن عبارت کورنمش اولدیغندن اولوجه یه
ایضای مقتضاسی ضمننده مذکور مدعی عمومیلکه
اجرای تبلیغات اولنسی افاده قلمشدر.

محاکمات و مقدمات

اشتب قضاسی بدایت محکمه سی جزا دائره سی
رئیس سابق شوکت افندینک اوراق انفصالیه
ومدافعه نامه سی انجمن انتخاب مأمورین عدلیه جه
لدی التدقیق جواز استیخدا منه قرار و برلشددر.

لمنی قریه لی قیر علی بی قتل ایلدیکی ادعا اولنسنندن
دولایی جنایتله اتهام اولنان مصطفانک اون بش سنه
مدتله کورکه قونلسنه دائر سلانیک ولایتی استیناف
محکمه سی جزا دائره سنندن ویریلان ۳۶۶ نومرو لی
اعلام

عثمانجق قصبه سی میری انباریله غرادر قریه لی
سلیمانک دکرمانه لیللاً و مسلحاً اناختار اویدیره رق
بالدخول ذخیره سرقت ایلدکلی ادعا اولنسنندن
دولایی جنایتله اتهام اولنان حسن و بلال وحسینک
اوجر سنه مدتله کورکه قونلرینه دائر قوصوه
ولایتی استیناف محکمه سی جزا دائره سنندن ویریلان
۲۸۶ نومرو لی اعلام

استریج قریه لی لیجی بی قتل قصدیه جرح ایلدیکی
ادعا اولنسنندن دولایی جنایتله اتهام اولنان زینلک
اوج سنه مدتله کورکه قونلسنه دائر برات سنجانی
بدایت محکمه سی جزا دائره سنندن ایکنجی دفعه اوله رق
ویریلان ۴۸ نومرو لی اعلام

محمودی قریه لی رمضان چاوشک خدمتکاری
اسماعیلک اوزرینه هجوم ایدرك جبراً اوکوزنی غصب
ایلدیکی ادعا اولنسنندن دولایی جنایتله اتهام اولنان
مصطفانک اوج سنه مدتله کورکه قونلسنه دائر سیروز
سنجانی بدایت محکمه سی جزا دائره سنندن ویریلان
۱۷۰ نومرو لی اعلام

خدمتکار قوزمه باسقونک اوکنه چیقهرق
معلوم المقدار زیت یاغیله کلیم و اچمسنی غصب ایلدیکی
ادعا اولنسنندن دولایی جنایتله اتهام اولنان طفیل
مارقونک اوج سنه مدتله کورکه قونلسنه دائر
برات سنجانی بدایت محکمه سی جزا دائره سنندن
ویریلان ۴۳ نومرو لی اعلام

قومایق قریه لی اسماعیل اغانک چوبانی اندونی
ضرب ایله وفاته سببت ویردیکی ادعا اولنسنندن
دولایی جنایتله اتهام اولنان چوبان قسطندینک بش
سنه مدتله کورکه قونلسنه دائر قرق کلیسا سنجانی
بدایت محکمه سی جزا دائره سنندن ویریلان ۲۳۲
نومرو لی اعلام

لشانه قریه سی جامع شریفنک پیخیره سنی آلت
مخصوصه ایله قیره رق دروندن کلیم و سجاده سرقت
ایلدیکی ادعا اولنسنندن دولایی جنایتله اتهام اولنان
قبطی سلیمانک اوج سنه مدتله کورکه قونلسنه دائر
پرورین سنجانی بدایت محکمه سی جزا دائره سنندن
ویریلان ۳۱ نومرو لی اعلام

اشتودیم قریه لی عبدلی قتل ایلدیکی ادعا اولنسنندن
دولایی جنایتله اتهام اولنان احمدک اون بش و فعل
مذکوره معاونت ایتدیکی ادعاسیله کذا جنایتله اتهام
اولنان صفرك اوج سنه مدتله کورکه قونلرینه دائر
پرشته سنجانی بدایت محکمه سی جزا دائره سنندن
ویریلان ۲۷۷ نومرو لی اعلام

قابسمور قریه لی اوغوشی اخناق ایلدکاری ادا اولمئسندن دولای جنایتله اتهام اولنان محمد ونصوحک اون بشر سنه مدتلره کورکه قوللرینه داتر سلاتیک ولایتی استیناف محکمه سی جزا داتر سندن ویریلان

۵۴ نومروی اعلام غرامیچ قریه لی سلطانی قتل قصدیه جرح وسلاح انداخت ایلدکاری ادا اولمئسندن دولای جنایتله اتهام اولنانلردن حسنیك اوج سنه مدته کورکه قوللرینه ویرادری مصطفانک برانته داتر سلاتیک ولایتی استیناف محکمه سی جزا داتر سندن ویریلان ۳۸ نومروی اعلام محکمه تمیز جزا داتر سنجه تعدیق اولمئشدر .

درسمادت جنایت محکمه سندن تنظیم واعطا قتلان اعلامدو :

اوجیوز یکرمی سنه سی کانون اولک اوجنجی کجه سی فاتحه محمد بک خانی جوارنده بالنسازعه صادقی جرح و قتل ایتدیکی اداسیله مظنون علیه اولان آستانه لی عمراوغلی یکرمی یاشنده قهوه چی چراغی یچی ایله مرقومه معاونده بولندی اداسیله کذلک مظنون علیه اولان آستانه لی خلیل اوغلی یکرمی ایکی یاشنده مرانغوز حسنیك جنایتله اتهاملرینه داتر هیئت اتهامیه دن تنظیم قتلان مضطه ایله استیناف مدعی عمومیلکنک ۲۴ مارت سنه ۳۲۱ تاریخی اتهامیه سی اوراق متفرعه سیله معاً محکمه جنایتیه تودیع قلمغله بالمطالعه قضیلانی اولابده طوتیلان ضبطامه دن مستبان اوله جنی وجهله اصول محاکمات جزائی قانوننک باب ثانیسنک فصل رایعده محرر معاملات ابتدائییه بعدالایضا متهمان مرقومان اوجیوز یکرمی برسنه سی مارتنک یکرمی سکرنجی کونی علی الاصول توقیفخانه دن کنوردیله رک وکیللری افکار اقدی ایله استیناف مدعی عمومیلکی معاونلردن عزتو صادق بک حاضر اولدقلری حلاله محاکمه علنییه مباشرت ومتهملرک هویتلری لدی التدیق استیجواب ضبطامه سنده محرر اولدینی وجهله تعین اتجسیله ومتهمان ایله وکیللرینه اخطارات قانونیه ایفا قلمسیله هیئت اتهامیه مضطه سی واتهامنه ضبط کابی صدق اقدی طرفدن قرائت اولندی .

مضطه ده بالنسازعه صادقی جرح و قتل ایتدیکی اداسیله مظنون علیه اولان یچی ایله اشبو قتل قلمده معاونده بولمغله کذلک مظنون علیه اولان حسنیك افعال مذکوریه اجتنار ایللرندن طولای اتهاملرینه اوراق تحقیقه ده محرر صادق افاده مضبوطه سی

واخبارات ومعیانه راپوری مندرجات کافی کورلش و بولردن یحیایک حرکتی قانون جزانک یوز یتش دردنجی وحسنک حرکتی دخی یوز یتش بشنجی ماده لری احکامی مستلزم افعال جنایتیه دن بولنش اولدیفندن جنایتله اتهاملرینه قرار ویرلدیکی محرر واتهامنامه ده دخی مرقومانک اولوجهله متهم اولدقلری مسطر در .

اتهامنامه ک خلاصه سی جانب ریاستدن متهمان مرقومه تفهیم و انبامعاون موسی ایله جانبدن دخی تشریح دعوی اولتمسی معقب مرقومان سولتدیرلکده بولردن یچی متوفی صادق اساساً طانور ایسده بولرنده برکونه منازعه سبق ایتدیکی ووقعیه مصادق کجه ده کندوسی یاتورایکن کلوب الدقلری و مرقوم صادق کندوسنه افترا ایتش اولدینی وعند السؤال سبب افترا ییلمیوب انجیق رفیق حسن ایله لیلہ مذکورده ده خاندہ براز اوتوردقندن صکره مرقوم حسن چقوب کتیدیکی ونخمیناً ساعت اوج و یادرت یچی راده لرنده خان قیوسی قیابوب یاندیفنده برکولتی ایشستدیکی واکورلای اوزرینه اویانوب فقط نه قدر مدت اویودینی تعین ایده مز اولدینی بالیان برافاده شفاهی ورقه سی اعطا ایدرک اوقومئسی طلب واستدا ایتکه اوقوتدیرلکده خلاصه ما ئنک متوفی صادق کندوسنه اسناد قتل ایتش ایسده قتل مدعیایی ایقاع ایتک ایچون قاتل یا کندوسنه مالک اولیه جق مریده سرخوش بولنق ویاخود بویله برجنایتک سائق اولق اوزره بغض وعداوت سابقه وحادثه نک وجودی متحقق اولق ایجاب ادبوحالات مرروضه دن هیچ برسنک ایسه ثابت اولدینی کی مرقوم صادق طرفدن سولیلان یحیایک دخی کندوسی اولیه جنی بیساندن عبارت اولدینی اکلانشدی .

مادامک کندوسی حین وقعه ده اوطه سنده یاتمغه اولدینی افاده ایتکه در متوفای مرقومک جارحنک کندوسی اولدینی سولیدیکی ایشیده مامسی ایجاب ایدمکی واورلرده کندوسندن مانعا یچی نامنده کسنه اولوب اولدینی خصوصلر نک مرقوم یحیادن سؤال اولتمسینه قارشو کندوسندن بشقه یچی غیر موجود ایسده متوفانک اوصاف واشکائی تعین ایتدیکی ومتوفانک بی اوران یحیادر دیدیکی اوتهدن رودن ایشتمش اولدینی وفصل مدعیایی قبول ایدمه جکی جوابی اندی .

دیگر متهم حسن دخی وقه کونی قهوه خانه یه کیدر ایکن یحیایه بالتصادف مرقومه خاندہ مستأجر بولان خلیل وحسین اقدیلرک اوطه سنه بالدخول براز اوطور دقلرندن صکره کندوسی چقوب کتیدیکی

ویحیایک خاندہ قالدینی ومتوفی صادق اوجوارده کورر ایسده مرقومه کورشمز اولدیفندن بولرنده برکونه خصوصت بولندیقی و مرقوم صادق خبر ویردیکی حسنیك کندوسی اولیوب آخر برشخص اوله جنی سولیدی .

علی هذا ضابطه عدلیه تقریری وطیب راپوری ومقتول صادق افاده استطاقیه سی اوقوتدیرلدی .

۲ کانون اول سنه ۳۲۰ تاریخی اولان مذکور تقریرده شهرکانون اولک ایکنجی کجه سی ساعت بش راده لرنده اسیر بازارنده آشجیلغله مشغول اولان ایرانی صادق قهوه چی یچی طرفندن بمحاقله جرح ایدلکنک خبر ویرلمی اوزرینه مرقوم یحیایک دردست ایدلیدیکی ومجروحک جرحیه سی آغیر بولتمسینه مبنی رای تدای خسته خانه یه کوندردیدیکی وتحقیقاندہ مرقوم صادق کندوسنی تانار یچی نام شخصک جرح ایتدیکی سولیدیکی ومرقوم یحیایک دخی عندالاستیجواب کلباً منکر بولدینی اشعار وراپورده مرقوم صادق عنقنک صول جهت اسفلنده وناحیه شرقویه فوقیده آلت قاطعه ایله بر یچی ساتیمترو طولنده مسترضاً واقع صدره نافذ بر جرحه وصول عضدی قم علوی قدامنده ومفصل قرینده بر یچی ساتیمترو طولنده بر جرحه وصاغ عضدی وجه قدامیدی وسطنده ایکی یچی ساتیمترو طولنده عقی عظمه قریب دیگر بر جرحه کورلدیکی وصدره نافذ اولان جرحه سندن متأراً وفات ایدلیدی ازارقلمش و مرقوم صادق استطاقیه سنده وقعه کجه سی اسیرچی خانه کباب کورتوریدیکی اشاده تانار یچی دنیلان شخصک خان قیوسی آرقه سنه صافلانرق کندوسی طیشارویه چقه جنی صروده بمحاقله آرقه سنک اوج حملدن جرح ایتدیکی وقوشاخی آره سنده بولنان کیسه سی دخی آلدینی ومرقوم حقدنه مدعی اولدینی سولیدیکی مندرج بولمشدر .

قرائت اولنان اشو اوراق مندرجاته ندیه جکلری صورلدقده مہملردن یچی تانار یحیایک آخر برشخص اولدینی وکندوسی عشرت ایتدیکی جوارنده بولمغله پولیسده کی افاده سنده لیلہ مذکورده عشرت ایتدیکی سولیدیکی کندوسنه اخطار اولدقده افاده مضبوطه سی انکار وحسن دیه جکی اولدینی تذکار ایدیلر .

مدعی عمومیلک جانبدن معنی شهود بوسله سنده اسماییی محرر اولوب دعوت واقعه یه اتباعاً ورود ایتدکلری خبر ویریلان کسان برر برر حضور محکمه یه یقاریلوب عندالسؤال طرفینه برکونه قرابت ومناسبت وخصوصت لری اولدینی اکلانمغله اصولاً تحلیقلری بعدالاجرا منفرداً ومواجهه استماع ایدلکلرنده بولردن فاتحه خراجچی محی الدین محله سنده اقبال

خانمک خانه سنده زوجی ابراهیم اقدی ایله معا یتوت ایدن یکرمی طقوز یاشنده سودانی زنجیه خدیجه بنت عبده برجمه کجه سی خانه سنده اوطور مقده ایکن قارشولرنده بولنان خانک قیوسی اوکندہ برمنازعه وکولتی تحدت ایتدیکی وزقافده دخی برقوشیده ایشتدیکی معقب بر یسنک اولردم دیو باغرمسیله کندوسنیده اهالینک طوبالامسی مقصدیه بنجره دن یانغین وار دیو باغردینی ومجروحک جارحلری سوللرنده مرانغوز حسنیك کندوسی طوتوب تانار یحیایک دخی اوردینی سولیدیکی ومرقومان حسن و یحیای اوارده کورده مدیکی مضبوط افاده سی وجهله احبار وعندالاستفسار منازعه ایدنلرک غلبه لک اولمئسندن وزقافده فنا بولمئسندن کیفیت جرحی وجارحلری کورده مدیکی وسسلری دخی تقریق ایدمه مدیکی ویا لکیز مرقوم صادقک اشای منازعه ده یچی وحسن باهیک ایتکه دیدیکی و اوجوارده تانار یچی نامنده آخر کیسه سی ییلمیوب انجیق حضور محکمه ده بولنان مہم یچی بولندیقی علاوه کفتار ایدلی .

عند السؤال متهملر بوشاهدہ نک کندولری کورمه دیکی وطایه مدینی سولیدیلر .

(مابعدی کلجک نسخه یه) صافیه خانمک پولیس الیاس اقدی ایله ژاندارمه احمد اغای تحقیر ایدلیدی اکلانمغله مدیفندن برانته مهران وخزاروس و ذکی بکک یانسنک دکاتی سد واقعه واششیانی اخذ وضبط ایلدکلری اصولاً ثابت اوله مدیفندن برانترینه

ژاندارمه عثمان اٹانک عزیمه ویا کیزه خانملری ضربه جرأتی ثابت اوله مدیفندن برانته مقبوله خانمک خانه سندن اشیا سرفت ایدلیدی اصولاً ثابت اوله میان بیکناز خانمک برانته محمد نجیب وسیدو محمد نوری اقدیلرله الیاس اغانک مضاربه ایلدکلری اصولاً ثابت اوله مدیفندن برانترینه قابرلک مریم قادینک اموال منقوله سنه ایرات خسار ایدلیدی ثابت اوله مدیفندن برانته عرفانک خلاف تنبیه سلاح طاشیدیقی ثابت اوله مدیفندن برانته

خلیل بن سلیمانک زنجیه زبنی ضرب ایتدیکی ثابت اوله مدیفندن برانته لیونجی واسیلیک باغچوان واسیلیک باغچه سنه سرفت قصدیه کیردیکی ثابت اوله مدیفندن برانته درسمعات ، بک اوغلی واسکدار بدایت محکمه لری جزا داتر لرنجه قرار ویرلشدر .

مخبریات

کویچکز قضای بدایت محکمه سی برنجی کاتب سابقی عاطف اقدینک حاصلات محکمه دن ذمتنه اچیه کجوردیکی آیدن ولایتی استیناف محکمه سی مدعی عمومیلکندن وارد اولان اوراق تحقیقه مآلندن مستبان اولمی اوزرینه موسی ایله حقدنه قانوناً مقتضی معامله نک اقامی خصوصنه عدلیه نظارت جلبه سندن مأذونیت ویریلرک مذکور مدعی عمومیلک تبلیغات لازمه اجرا قلمشدر .

اعلانات

انجی اداره عدلیه

عدلیه نظارت جلبه سی دواتر یه محاکم مربوطه سی ایچون مبایعه ایدیلجکی اولجه اعلان قلمش اولان اوتوز بیک قیہ جدید کورک بهر یوز قیسی اوتوز بش غرو شده طالعی عهده سنه حاله موقه سی اجرا قلمش اولوب اشبو اغستوسک اوجنجی چهارشنبه کوننه قدر یوزده اوچدن بشه قدر تزییلات قبولیه یوم مذکورده قرار قطعیمی اعطا قلمه جقندن طالب اولان وشرائطی اکلانق ایستیانلرک یوم مذکورده قدر محاسبه وانجمن اداره عدلیه یه مراجعت ایللری اعلان اولنور .

ایکنجی تجارت محکمه سنده :

درسماتده سلطان حامی جوارنده ساکن ایکن ایکنجی محکمه تجارتدن افلاسنه حکم اولنش اولان مطبعه چی سروین اقدینک خصوصات افلاسیه سنک رؤیت وتسویه سی ضمانتده سعادتو سلیم حسن واکاه بک وویچن قره یان اقدیلر اصالة سندیک تعین قلمش اولدقلرندن مفلس مرقوم ذمتنده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون طرفنده سنداتی محکمه کاتبه تسلیم ایللری ومدت مذکورده ختامندن صکره اوج کونده یعنی ۱۳۲۱ سنه سی اغستوسنک ۱۶ نجی صالی ، ۱۷ نجی چهارشنبه ۱۸ نجی پنجشنبه کولنری ایکنجی محکمه تجارتک مصالح افلاسیه رؤیته مخصوص اوطه سنه کلرک سندیک اقدیلر مواجهه سنده آله جقلری اثبات وقید وتصدیق ایتدیرملری ومدت مذکورده اثبات وجود ایدمه میان آله جقلرلر حقدنه قانون مذکورک ۲۱۰ نجی ماده سنه توفیقاً ایضای

معامله اولنه جنی اعلان اولنور .

بک اوغلنده شیشلی حوارنده عثمان بک غازینو سنده مقم غازینوی اندون وایلیادی وزان بیللوربانک ۱۱ تموز سنه ۳۲۱ تاریخندن اعتباراً اعلان افلاسنه ومصالح افلاسیه نک رؤیت وتسویه سی ضمانتده محکمه اعضا ملازمی عزتو یاقو اقدینک ژوزر قومیسر ودعوی وکیللردن حافظ اسماعیل ومحمد صادق اقدیلرک موقت سندیک تمیزلرینه ومقارزه لریله اشبای زانده بیتلرینک تمهیریه واوراق ودقارتینک جلبنه وكفالت معتبره اراکه ایدمه دکلری تقدیرده حبس وتوقفلریسه وبوبابده کی قرارک موقه اجرا سنده ایکنجی تجارت محکمه سندن قرار ویرلش اولدیفندن قانوننامه تجارتک ۱۷۰ نجی ماده سی موجبجه دائمی سندیکار انتخاب اولنق اوزره [۸ اغستوس سنه ۳۲۱] بازار ایرتی کونی ساعت اتی راده لرنده اصحاب مطلوبک محکمه مذکورده مصالح افلاسیه رؤیته مخصوص اوطه سنه کلری اعلان اولنور .

الده ولایتی مرکز تجارت محکمه سنده :

اطنه ده کارکیر بدستانده مقیم مانیفاطوره چی قارجیان کورک ۲۱ کانونانی سنه ۳۲۰ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمانتده محکمه اعضا سندن محمود اقدینک ژوزر قومیسر ونوری وجکریان قره بت اقدیلرک موقت سندیک تمیزلرینه ومقارزه سیله خانه سنده موجود اشبای زانده سنک تمهیریه واوراق ودقارتینک جلبنه وكفالت اراکه ایدمه مدیکی حاله حبس وتوقیفه وبوبابده کی قرارک موقه اجرا سنه اطنه ولایتی مرکز تجارت محکمه سندن قرار ویرلش اولدیفندن قانوننامه تجارتک بوزتمشعی ماده سی موجبجه دائمی سندیکار انتخاب اولنق اوزره بموزک یکرمی سکرنجی پنجشنبه کونی اصحاب مطلوبک محکمه نک مصالح افلاسیه رؤیته مخصوص اوطه سنه کلری اعلان اولنور .

اعلومات شرعیه امرایه سنده :

متوفاه حقیظه قافه خانمک نقود موقوفه سی متولیه سی ذکیه خانمک متوفی حسین حبیب اقدی ذمتنده آله جنی اولان مبالغ معلومه نک تا مین استیفا سی ضمانتده مدیون متوفانک عهده سنده اولوب اشبودی مقابلنده مروهون وفروختی محکوم بولنان اسکداره تابع بولغولری قریه سنده لبادہ نام محله واقع هدای عزیز محمود اقدی وقفته مقاطعه لو یکرمی درد نومرو ایله مرقم ابشیه وکرومی ملک برقطه باغک

اشبهو تاريخ اعلاندن اعتباراً اون بش كون صكره بالمزايدة فروخته تشبث اولنه جفتدن طالب اولوب بي سورمك ودها زياده معلومات المقي استيانلرك مدت مذكوره ختامندن صكره درسمادت اعلامات شرعيه اجرا دائره سنه مراجعت ايللري اعلان اولنور.

—*—

مكتمل تجارت اجرا دائره سنده :

اورام اندونيا ديسك ايكنجي محكمه تجارت اعلاميله متوفي محمد زكائي افندي ذمتنده محكوم به الاجنبي اولان اچقنهك تأمين استيفاسيچون متوفاي مومي اليهك مخدومي وتميز كفيلي بولنان محمد احسان افنديك حطب قبوسنده صاري تيور محله سنده طاش اسكله زقاغنده اون التي نومرو ايله مرقم بر باب كراسته جي دكاني كد كنده بدري متوفاي مومي اليهك منتقلاً متصرف اولديني نصف حصه سنك فروختي قرار آلتنه التمش اولغله بروجب قرار حصه مذكوره تاريخ اعلاندن اعتباراً اون بش كون صكره موقع مزايديه وضع ايديله جكندن اشتراسنه طالب اولنلرك ودها زياده معلومات المقي استيانلرك محكمه تجارت اجرا دائره سنه مراجعت ايللري اعلان اولنور.

—*—

اعلامات جزائيه تحصيل اداره سنده :

درتيوز قرق درت كيلو قچاق توتونه در دست اولنوب بالحاكمه اون يدي بيك يديوز آلتش غروش جزاي نقدي ايله درتيوز غروش مصارف محاكمه به محكوم داريجي ديمتري قوله ينده مذكور توتونه برابر ضبط ومصادره ايديلان اوج چفته كير قايق يلكن وساژدن مركب ادواتيله برابر فروخت اولنورق ائمان حاصله سندن تسويه دين ايتديرلمسي حكم اعلام اقتضاسندن بولغله مذكور قايقك مع ادوات اوچيوز يكرمي بر سنده سي اغستوسنك بشنجي جمعه كوني يكي قبو ليمان دائره سي پيشكاهنده بالمزايدة فروختي قرارلشديرلمش اولديغندن طالب اولانلرك يوم مذكوره ساعت بش راده لرنده محل مذكوره حاضر بولنلري درسمادت اعلامات جزائيه تحصيل اداره سندن اعلان اولنور.

—*—

اعلامات نظاميه اجرا دائره سنده :

محمد صالح افنديك حاجي حسين حسني افندي ذمتنده محكوم به اله جفتدن طولاي قنطار جيلورده صاري تيور محله سنده وقره غولخانه زقاغنده و قبله چشمه سي جاده سنده تخميناً يديوز اون بش آرشون عرصه اوزرينه ميني مع حولي ايكي قاتدن عبارت اون التي اوطه والتنده سكر بودرومي وحوليسند.

بر عدد فرنك طلومبه سي حاوي (حاجي حسين خاني) ديمكله يكرمي ايكي نومرولو خان وايكيوز اللي ايكي آرشون عرصه اوزرينه ميني وفوقنده بر باب اوطه يي محتوي مكرر اللي اوج نومرولو عرصه وقره غولخانه زقاغنده تخميناً ايكيوز اوتوز ايكي آرشون عرصه اوزرينه ميني بر باب مغازه مع اوطه و آروجه قبوي ومغازه مك فوقنده درت باب اوطه بر صوفه و بر تراسه و بر فرنك طلومبه سي حاوي يكرمي ايكي به مقلوب مكرر اللي اوج نومرولو مغازه مع خانه وسالف الذكر خان ومشملاقي نصف حصه لرينك تاريخ اعلاندن اعتباراً اون بش كون صكره بالمزايدة فروخته تشبث اولنه جني اعلامات نظاميه اجرا دائره سندن اعلان اولنور.

~~~~~

درسمادت زراعت بانقه سنك سعادتلو سالم بك افندي ذمتنده محكوم به اله جني اولان مبالغك تأمين استيفاسيچون محجوز وفروختي محكوم بولنان اوزون چارشو قربنده يواشجه شاهين وخواجه حمزه محله سنده شكرجي زقاغنده « قاطر خاني » نام ديكر « طنبور جي خاني » ديمكله معروف شهري ايكيوز التمش بش اچق اجاره مؤجله لو خان مذكورك الت قاتنده يدي وسكر وطقوز واون واون بر واون ايكي واون اوج واون درت واون بش واون التي واون يدي واورته قاتنده برومكرر بروايكي الى ااون واوست قاتنده برالي ااون نومرولو و خان مذكورك خارجنده و آلتنده شكرجي زقاغنده طقوز مقلوب ااون بر واون اوج نومرولو دكا كين ملكلرنده انتقلاً متصرف اولديني طقسان اچق بريچق بولك اجرا قلنان مزايده نتيجه سنده ليراي عثماني يوز غروش حساييله ااون بيك بشيوز غروشه طالبي عهده سنده تقرر ايدرك موقتاً قراردادده سي كشيد قلمش اولديغندن يوزده بش ضم ايله طالب اولانلرك تاريخ اعلاندن اعتباراً اوتوز بركون ظرفنده درسمادت اعلامات نظاميه اجرا دائره سنه مراجعت ايللري اعلان اولنور.

—\*—

#### بك اوغلي بيات محكمه سي اجرا دائره سنده :

متوفي حسين خاكي افندي زوجة سي امينه ناز كتر وكرمي سي غايت خانلرك زبجيان ويچن افندي زوجة سي ترزا خانم ذمتنده بك اوغلي بيات محكمه سي ايكنجي حقوق دائره سي اعلاميله محكوم به آله جقلري اولان بيك ايكيوز اللي بر عدد ليراي عثمانيك مع فائض ومصارف محاكمه تأمين استيفاسي ضمتنده مديونه مزبورنك عهده تصرفنده اولوب دايان مومي اليهما ناملرينه فراغ بالوفا ايله مرهون وفروختي

مذكور اعلام حكمنه مستند بولنان بك اوغلي حنين اغا محله سنك بيكار زقاغنده كائن طولاً آلتى آرشون آلتى برقم وعرضاً اون يدي آرشونكه بحساب تربيعي تخميناً يوز اون ذراع عرصه اوزرينه ميني بش قاتدن عبارت اولوب برنجي قاتده ايكي اوطه وايكنجي قاتده برصالون وبر اوطه واوچنجي قاتده كذلك برصالون وبر اوطه ودردينجي قاتده اوج اوطه وبشنجي قاتده ايكي اوطه وبر صفة واوستنده تراجه وچاشورلني ومطبخ وكورلك وصهرنج وقبو وايكي آبدستخانه وبركيلاري مشتمل وبرطرفي كوچه اوغلي ورته سنك خانه سي وديكر طرفي روسيه لي بابادوبلو خانه سي و آرقه سي حاجي بياردون افندي خانه سي وطرف رايي بيكار زقاغله محدود اولوب الحاج محمود افندي وقفتدن توسيع انتقالو آلتى نومرو ايله مرقم بر باب كاركي خانه ليدى المزايدة سكسان درت بيك غروش آلتون اچق بدل ايله طالبي عهده سنده تقرر ايدرك موقت قراردادده سي چكلمش اولديغندن اشبو تاريخ اعلاندن اعتباراً اوتوز بركون ظرفنده لا اقله يوزده بش ضميله زياده به طالب اولانلرك ودها زياده معلومات المقي استيانلرك يوزده اون نسبته ديكي ديپوزيتو اچق لريني مستصحباً بك اوغلي بيات محكمه سي اجرا دائره سنه مراجعت ايللري ومدت مذكوره ختامنده يعني شهر اغستوسك يكرمي برنجي بازار كوني ساعت يدي راده لرنده قرار داده قطعي سي كشيد قلمق اوزره سالف الذكر املاك پيشكاهنده مأموري مواجهه سنده حاضر بولنلري اعلان اولنور.

—\*—

#### قرتال بيات محكمه سي اجرا دائره سنده :

قرتاله مقيم سيميدجي قوچونك مذكور قصبه ساكنلرندن شاهين اوغلي آندون ذمتنده با اعلام محكوم به آله جني اولان مبالغ معلومهك تأمين استيفاسي ضمتنده مديون مرقومك عهده تصرفنده اولوب دايك طلبيله واجرا دائره سي معرفتيله محجوز بولنان مذكور قرتال قصبه سنك چاوش اوغلي دره سنده طرفلري اليساوي وطودوري وقبور اوغلي قوچو ترالري وطريق ايله محدود زيتون اشجارني محتوي برقطعه ترالا ليدى المزايدة اوچيوز اون غروشه طالبي عهده سنده تقرر ايمكله يوزده بش ضميله زياده به طالب اولانلرك تاريخ اعلاندن اعتباراً اوتوز بركون ظرفنده قرتال قضاسي بيات محكمه سي اجرا دائره سنه مراجعت ايللري اعلان اولنور.